

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: He mana tuku iho, he kōrero tuku iho

Aronga: Te Reo Rangatira 1.2B

Paerewa Paetae: Te Reo Rangatira 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

Me whakatairite koe i te reo o ētahi horopaki e toru, ka āta whakamārama i te hāngai o te reo ki te horopaki.

Te horopaki

I tēnei ngohe ka aromatawaihia tō kaha ki te tātari i ngā pānga o te horopaki ki te reo, o te reo rānei ki te horopaki. Me āta whakaahua koe i ngā āhuatanga motuhake o te reo i tēnā horopaki, i tēnā horopaki. Me kōrero koe mō ngā ōritenga me ngā rerekētanga o te reo i ngā horopaki. Me whakatauiria i ō whakaaro.

Tirohia ētahi kōrero e toru o te rohe kei reira koe e noho ana (māu e kimi, mā tō kaiako rānei). Mēnā ko koe kei te kōwhiri, me kōrero koe ki te kaiako i mua i te tīmatanga o te aromatawai kia mōhio ai koe mēnā e hāngai ana ngā kōrero kua kōwhiria e koe.

O ngā kōrero e toru:

1. Me reo ā-waha tētahi, me reo tuhi tētahi. Kei a kōrua ko tō kaiako te tikanga mō te tuatoru (he whakaaturanga, he kiriata, he pukapuka, he kōrero reo irirangi, he aha kē atu rānei).
2. Ko tētahi he pakiwaitara, he pūrākau rānei, ko tētahi he kōrero tuku iho, ko tētahi he mōteatea, he waiata rānei.
3. Me reo Māori te katoa.

Nā, me pēhea te tangata e mōhio ai nō tō rohe ēnei kōrero? Ko tāu he tātari i te reo o aua kōrero e toru ki te whakamārama i te pānga o te horopaki o aua kōrero ki te reo, te reo rānei ki ngā horopaki.

Mā tō kaiako koe e ārahi i roto ngā mahi, māna e whakaae ki ngā horopaki e toru, māna hoki e whakaatu ngā pātai e hāngai pū ana ki te tūmahī.

Me kōrero anō koe ki tō kaiako mō te huarahi tuku i te aromatawai.

Māu anake ngā mahi katoa e mahi.

Hei mahi

- Kōwhiria ngā kōrero e toru hei tātari māu.
- Me whai whakaaro koe ki:
 - te wā i puta ai te kōrero
 - te momo reo
 - te pūtakenga kōrero
 - ngā pūkenga o te kaikōrero, o te kaituhi e rangona ai tōna ake wairua
 - te reo ā-tinana o te kaikōrero.
- Mō ia kōrero, whakautua ēnei pātai:
 - He aha te horopaki e noho nei te kōrero?
He aha te pānga o taua horopaki ki te reo?
 - He aha ngā āhuratanga motuhake o te reo o aua wā?
 - He pānga ō ngā horopaki ki te āhua o te reo i aua wā? He aha aua pānga?
- Me kōrero ki tō kaiako mō te huarahi hei whakaatu i ō kitenga. I roto i tō whakautu, tēnā:
 1. Whakamāramahia te horopaki o te kōrero, o te tuinga rānei.
 2. Tautohua ngā āhuratanga motuhake o te reo e hāngai ana ki te horopaki. Whakatauirahia ngā āhuratanga motuhake o te reo. Tīpakohia ētahi tauira hei tautoko i ō whakaaro.
 3. Whakatairitea, whakatauarohia ngā horopaki e toru.
 4. Arotakea ngā āhuratanga o te horopaki me te hāngai o te reo ki aua horopaki.

Kuputaka

āhuratanga motuhake	<i>specific, technical features peculiar to the context</i>
arotake (-a)	<i>evaluate</i>
horopaki	<i>context</i>
huarahi	<i>method, process, way of doing something</i>
kitenga	<i>findings</i>
kōrero tuku iho	<i>history, stories of the past, oral traditions</i>
momo reo	<i>genre</i>
pakiwaitara	<i>fictional, narrative story</i>
pānga	<i>impact; effect</i>
pūrākau	<i>traditional story</i>
pūtakenga kōrero	<i>text purpose</i>
tātari	<i>analyse</i>
tīpako (-hia)	<i>select</i>
tūmahi	<i>task, activity</i>

He ngohe aromatawai ā-roto XXXXXX v1 mō te Paerewa Paetae XXXX
TĀ TE ĀKONGA WHĀRANGI

whakatairite (-a)	<i>compare, discuss similarities</i>
whakatauaro (-hia)	<i>contrast, discuss differences</i>
whakatauirā (-hia)	<i>model, exemplify, give examples</i>